

Broj: _____
Datum, _____ .2021. godine

Općinsko vijeće na ___sjednici održanoj dana _____2021. godine, rješavajući po prijedlogu JP „ Vodokom “ d.o.o. Kakanj, broj: 4481-5/21 od 27.04.2021. godine, koji je dopunjen dana 21.05.2021. godine, a na osnovu člana 14. stav 4. Zakona o eksproprijaciji („ Službene novine Federacije BiH “, broj: 70/07, 36/10, 25/12 i 34/16) i člana 24. Statuta Općine Kakanj („ Službene novine Općine Kakanj “, broj: 4/08), **d o n o s i**

O D L U K U

1. UTVRĐUJE SE javni interes u svrhu izgradnje podzemnih kontejnera u Kraljevoj Sutjesci, po prijedlogu JP „ Vodokom “ d.o.o. Kakanj, radi potpisivanja ugovora o uspostavi prava služnosti sa Ministarstvom za poljoprivredu, šumarstvo i vodoprivredu ZE-DO kantona na slijedećoj nekretnini, označenoj kao:

- k. č. br. 524/1 pašnjak II kl. „ Sastavci “ u površini 1117 m², k.o. Kraljeva Sutjeska, upisana u posjedovni list broj 76 u posjed DS JP ŠPD-ZDK PJ „ Šumarija “ Kakanj sa dijelom od 1/1, kojoj po starom premjeru odgovara k. č. br. 323/2, k.o. Sutjeska, upisana u el .z.k.ul.br. 408, zemljišnoknjižno vlasništvo državna svojina sa dijelom od 1/1 (za služnost potrebno 27 m²).

2. Protiv ove Odluke može se pokrenuti upravni spor kod Kantonalnog suda u Zenici, u roku od 30 dana od dana dostavljanja iste. Tužba se podnosi neposredno Sudu u dva istovjetna primjerka, uz koju treba priložiti i kopiju ove Odluke.

DOSTAVITI:

1. JP „ Vodokom “ d.o.o. Kakanj
- 2 . PJ „Šumarija“ Kakanj
3. a/a

PREDSJEDAVALAČI

Katičić Slaven

Obrazloženje

JP „Vodokom“ d.o.o. Kakanj podnio je prijedlog, broj: 4481-5/21 od 27.04.2021. godine, za utvrđivanje javnog interesa u svrhu izgradnje podzemnih kontejnera u Kraljevoj Sutjesci, radi potpisivanja ugovora o uspostavi prava služnosti sa Ministarstvom za poljoprivredu, šumarstvo i vodoprivredu ZE-DO kantona na nekretnini, označenoj kao k.č.br. 524/1 pašnjak II kl. „Sastavci“ u površini 1117 m², k.o. Kraljeva Sutjeska, upisana u posjedovni list broj 76 u posjed DS JP ŠPD-ZDK PJ „Šumarija“ Kakanj sa dijelom od 1/1, kojoj po starom premjeru odgovara k. č. br. 323/2, k.o. Sutjeska, upisana u el .z.k.ul.br. 408, zemljišnoknjižno vlasništvo državna svojina sa dijelom od 1/1.

Dopisom, broj: 06/10-27-1412/21 od 29.04.2021. godine, naloženo je podnosiocu prijedloga da dopuni svoj prijedlog elaboratom o eksproprijaciji, kako bi se znala površina služnosti, na kojoj će biti ugrađeni podzemni kontejneri.

Dopisom, broj: 5358-5/21 od 21.05.2021. godine, podnosilac prijedloga je dopunio svoj prijedlog dostavljanjem ekaborata o eksproprijaciji, iz kojeg je vidljivo da je za služnost potrebno 27 m².

Općinski načelnik je donio zaključak, broj: 02/1-2563/21 od 15.04.2021. godine, kojim se JP „Vodokom“ d.o.o. Kakanj zadužuje za implementaciju projekta „Ugradnja podzemnih kontejnera Kraljeva Sutjeska“. Shodno pomenutom zaključku, predstavnici Preduzeća su, sa nadležnim općinskim službama i predstavnikom MZ Kraljeva Sutjeska, obišli potencijalne lokacije za ugradnju podzemnih kontejnera. Kao jedina pogodna lokacija je lokacija na kojoj su trenutno postavljeni nadzemni kontejneri, a to je naprijed označena parcela.

Ministarstvo za poljoprivredu, šumarstvo i vodoprivredu ZE-DO kantona je dopisom, broj: 05-22-03255-1/21 od 17.04.2021. godine, obavijestilo JP „Vodokom“ d.o.o. Kakanj da je odredbom člana 46. Zakona o šumama („Službene novine ZE-DO kantona“, broj: 8/13, 1/15 i 5/21) propisano da se na državnim šumama i šumskom zemljištu može uspostaviti pravo služnosti u svrhu izgradnje vodovoda, kanalizacije, plinovoda, električnih vodova, kao i za druge namjene, AKO je proglašen javni interes u skladu sa odredbama Zakona o eksproprijaciji, a dok je odredbom člana 6. Zakona o šumama propisano da se zahtjev za uspostavu služnosti na šumskom zemljištu podnosi tom Ministarstvu.

U konkretnom slučaju ne radi se o šumskom zemljištu ali je predmetno zemljište upisano u posjed DS JP ŠPD-ZDK PJ „Šumarija“ Kakanj, te je postupak isti.

Nakon utvrđivanja javnog interesa JP „Vodokom“ d.o.o. Kakanj može pristupiti potpisivanju ugovora o uspostavi prava služnosti na predmetnom zemljištu sa nadležnim Ministarstvom.

Kakanj, 24.05.2021. godine

OBRADIVAČ:

Služba za imovinsko-pravne,
geodetske poslove i katastar
nekretnina

PREDLAGAČ:

Općinski načelnik